

بوتون مغاسيله ايتراولديلر . چونكه بوعالمده خيرلى برآد براقاديلر .
عليه الصلاة والسلام افديمز ايسه ارقه لرندة محله بر شريعت ، نامتاهي
برذريت ، يعنى قوجه برامت براقاديلر . صلى الله عليه وسلم .

محمد عاكف

فَقْرٌ وَقَتَاوِي

فقه وعبادات اسلاميه تاريخنده :

حج

۵

اسلاميت بوتون شرائع سالفه يي ناسخ اوله رق كلكه برابر شريعت
ابراهيميه قارشى بويوك بريابانچيلى اظهار ايتمه يور ؛ بلكه كنديسنك
ملت خفيه اوزره مؤسس بردين قويم اولديغنى ايلرو سورو يور ؛
حضرت ابراهيمه منسوب برچوق احكامى قبول ، ملت خليه يي يكي
باشدن احيا ايديلوردى . دين خليل برطرفدن ادوار جاهليه ده
قاريشديريلان اساطير وخرافاتدن تطهير اولتيور ؛ ديكر طرفدن لك
صوك دوره تكامله قدر پايدار اوله بيلمسي ايچون متين ، لايوت تملر
اوزرينه بنا اولته رق اكمل ايديلوردى . اسلاميت بردين مستقل
اولمغه برابر دين خليده موجود بولنان برچوق عبادات و مراسم
دينه يي قبول ايله آنلري يواش يواش احيا ايديلوردى .

فخر كائنات افدمز ابتداعت بويورلدقن صوكرا ناسى توحيد
دعوت ايتك خصوصنده بوتون مساعيلرني صرف ايتكده بولمشلردى .
پت پرستلك چيركىنلىكي ظاهر اولوب ، توحيد قلوب ناسده يربولمغه
باشلانجه صرميله تدريجي بر صورتده عبادات اسلاميه وضع وتأسيس
اولمغه باشلامشيدى . صلات ، صوم ، ذكات ، صدقه فطر ، جماعت ،
اذان ، احكام معاملات ... هپ بويولده تأسيس ايتمشلردر .

.*

رسول اكرم افدمز حضرتلري قبل البعث حضرت خليله منسوب
بعض سنت وعبادتلى قریش ايله برابر اجرا ايدر ، داعى شرك
اولان جهتلرده قومه اويمازدى . حج ايدر ، طواف قيلار ، عمره
كتيريردى . فقط اساف ونائله لري ، لات وعزالري ايشه قاريشديرماز ،
بلكه قومك دخى كرك اثنای حج وعمره ده ، كرك سائر وقتلرده
آنلره اولان تعظيم وعقيده لرني تعيب وتقييح ايدردى . مع مافيه
رسالتاب افدمز حضرتلرينك امور هجده قریشك احداث
ايتدكارى بعض مراسم اشتراك ايتمش اولدقلى آ كلاشيلور .

ابن جريرك زهيردن روايته كوره حديه عمره سى ائناسنده
اوله جق [۱] ؛ فخر كائنات افدمز حضرتلرينه تبعيته ارقه سى صره

[۱] اتقان للسيوطي

احرامده بولنان انصاردن قطبة بن عامر رضى الله عنه ده ديوارى
اوزردن اتلاميه رق برستانك قاوستندن چيقار . بو حال ديكر صحابنك
نظر دقتلرني جلب ايلر ؛ محرم ايكن قبودن چيقارق كناهاكار اولديغنى
سويلنور . بونك اوزرينه فخر كائنات افدمز جه قطبه دن نيچون بويله
ياپديغنى سويلر . اوده ذات رسالتنا هيلرينه اتباعاً چيقمش اولديغنى
درميان ايدنجه ، پيغمبرمز كنديسنك احس (حرمه منسوب) اولوب
محرم ايكن قبودن چيقمسنة جواز بولنديغنى سويلرلر . قطبه ده :
- يارسول الله ، بنم دينم سنك دينكدر ؛ آنكچون بن سكا اتباع ايده
بيليرم . دير . بونك اوزرينه « وليس البر بان تأتوا السيوت من ظهورها
ولكن البر من اتقى » آيت كريمه سى نازل اولور . [۲]

بو خبر صحيح اولديغه كوره اصحاب كرامجه ، حتى اول حضرتجه
دخى آلتنجي سنه هجريه نهايتلرينه طوغرى وقوعه كان حديه سفرى
ائناسنده شو آيت كريمه نك نزولنه قدر اهل حرم اوليسان محرمك
قايلردن كيروب چيقمه لري جائز اولمايغنى اعتقادينك دوام ايتديكي
آ كلاشيلور .

.*

بعد البعث حجت محظوريته دائر بر دليله تصادف ايديله مه يور .
آنكچون هر حالده اباحت اصليه سى اوزره ، بلكه مشروعتي اوزره
بقاسى دركاردر . بوكا كوره فخر كائنات افدمزك دين مين اسلامى
قبول ايدن اصحاب كرامك فرصت بولدقجه حج ايتمش وعمره كتيرمش
اولميرنه قائل اولمق ايچون بر مانع كوريله مه يور .

نصلىكه عبدالله بن عباس ، جابر بن عبدالله (رضى الله عنهم) حضراتي ،
فخر كائنات افدمزك ايكنسى قبل الهجرة ، ديكر برى ده بعد الهجرة
مدينه منورده دن (حجة الوداع) اولمق اوزره اوچ دفعه حج ايتمش
اولدقلى روي ايتديورلر [۳] .

فقط قبل الهجرة قيلمش اولديغنى روايت ايديلن حجر فرض
اوله رقى ، ياخود شريعت اسلاميه جه خلافة دليل قائم اولمديغندن
سنت خليل اوزره نافله اوله رقى قيلمشدر ؛ هر نه قدر مروى ايسه ده
[۴] - تاريخ افتراضى حقنده سويلنه جك سوزلردن آ كلاشيله جنى
اوزره - خلافة برچوق دليللر قائم اولديغندن برنجى شقى شايد قبول
دكلدر . بو حالده ايكنجى شقى تعين ايتديور ديمكدر .

هجرة سنه يي متعاقب اسلاميتك پايدار اوله بيلمسي ايچون اقتضا
ايدن بالجه تدابير اتخاذايديش ، دين مينك لك مهم اساسلري وضع
اولنمشيدى . اسلاميت داخلاً وخارجاً كسب متانت ايدرك دوست
ودشمن قارشوسنده غزواتده ، نزد نبويده ، جامعلرده برلشدكلري
كي ، برده حرم شريفده حضور بيت الله ده دخى برلشمك ، يك ديكريله
طائيشمق استيورلردى . فخر كائنات افدمز حضرتلري معيتده
اصحاب كرامدن بيك درتيوز قدر كيمسه بولنديغنى [۵] حالده عمره

[۲] اسباب النزول للواحدى ؛ تفسير كبير للرازي . [۳] كشف الغممه
من الامه . [۴] فتح الباري . [۵] صحيح بخارى .